

Broj: 03-1-02-1-108-2/18 DGL
Datum: 02.03.2018. godine

OPĆINA KAKANJ
Ulica branilaca bb
72240 Kakanj

Stamp: BOSNA I HERCEGOVINA, SARAJEVO, ZENICA-DOBROVODIČKI KANTON, OPĆINA KAKANJ

Dok. broj:		05-03-2018	
497/18	02/1-204	1/18	

PREDMET: Javno objavljivanje liste stipendista, Mišljenje, dostavlja se

VEZA: Vaš akt broj: 08/1-133/2018 od 25.01.2018. godine

Agencija za zaštitu ličnih podataka u Bosni i Hercegovini je zaprimila upit u kojem navodite da Općina Kakanj (u daljem tekstu: Općina) provodi javni poziv za dodjelu stipendija. Pri provođenju takve procedure proizašlo je da bi objavljivanje liste stipendista bilo u interesu Općine, jer bi građani imali uvid u bodove, te uočili i prijavili eventualne nepravilnosti, odnosno lica koja su bodove stekli krivotvorenim dokumentima. S obzirom na interes Općine, a radi pravične provedbe procedure dodjele stipendija, tražite mišljenje da li je moguće da aplikanti u prijavi na javni poziv za dodjelu stipendije daju saglasnost da se rezultati javno objavljuju.

U vezi sa naprijed navedenim, na osnovu člana 40. stav (2) tačka g) Zakona o zaštiti ličnih podataka ("Službeni glasnik BiH", broj: 49/06, 76/11 i 89/11), dajemo sljedeće:

MIŠLJENJE

Zakon o zaštiti ličnih podataka (u daljem tekstu: Zakon) predstavlja osnovnu legislativu koja neposredno određuje obradu ličnih podataka, sa ciljem da se na teritoriji Bosne i Hercegovine svim licima, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

Član 4. Zakona propisuje principe obrade ličnih podataka kojih su dužni da se pridržavaju svi kontrolori u postupku obrade ličnih podataka. Jedan od principa obrade ličnih podataka je princip pravičnosti i zakonitosti propisan u stavu (1) tačka a) navedenog člana Zakona, koji znači obradu ličnih podataka na osnovu i u skladu sa relevantnim zakonskim propisima, te princip iz tačke c) koji obavezuje kontrolore da lične podatke obrađuje samo u mjeri i obimu koji je neophodan za ispunjenje određene svrhe.

Shodno principu pravičnosti i zakonitosti, Općina na osnovu propisa u okviru zakonom utvrđenih nadležnosti, utvrđuje pravni osnov za obradu ličnih podataka u konkursnoj proceduri za dodjelu stipendija.

Dakle, saglasnost aplikanta u prijavi na javni poziv za dodjelu stipendija, ne može predstavljati pravni osnov za javno objavljivanje njihovih ličnih podataka, jer je Općina javni

organ čiji je rad regulisan u okviru zakonskih ovlašćenja, te postupanje i obavljanje poslova od strane iste, ne može zavisiti od volje pojedinaca.

Isto tako, ne može se očekivati niti se zakonom mogu regulisati sve moguće situacije, pa tako ni konkretna situacija iz upita koja se odnosi na objavljivanje liste stipendista radi otkrivanja nepravilnosti u konkursnoj proceduri, odnosno otkrivanja lica koja su bodove stekli krivotvorenim dokumentima. Javno objavljivanje podataka je invazivan način obrade ličnih podataka i kao takav ne treba biti redovna aktivnost u vršenju poslova iz nadležnosti Općine niti bilo kog drugog organa.

Naprijed navedeno ne sprječava Općinu da u određenim situacijama radi informisanja javnosti o transparentnoj raspodjeli finansijskih sredstava iz budžeta, odnosno u cilju ispunjavanja zadatka koji se izvršava u javnom interesu, te otklanjanja sumnje u nepotizam ili korupciju, javno objavi podatke o licima koja su ostvarila pravo na stipendiju. Takva obrada se može vršiti bez saglasnosti nosioca podataka i to u smislu člana 6. stav (1) tačka d) Zakona.


Međutim, javno objavljivanje podataka o stipendistima ne treba da bude redovan način upoznavanja javnosti, već samo kada se utvrdi da za takvu obradu postoji opravdan javni interes.

U tom slučaju, Općina je dužna da postupa u skladu sa principom iz člana 4. stav (1) tačka c) Zakona, odnosno da obrađuje minimalan obim ličnih podataka koji je neophodan da bi se postigla svrha takve obrade.

S poštovanjem,

Dostavljeno:

- Naslovu,
- a/a.



DIREKTOR

Petar Kovačević